


LUNARI pal 1999



Il miedi Calabrò

Il vuèt di afiet ch'al si crea quant'ca qualchidùn al lassa la sò tiara, a' pol diventâ a voltis ricchezza, gionda e confuàrt par chês personis che àn savût ciapâ sù in altris puesc', lis virtûs umanis e lis dotis professionai dal emigrànt.

'A jè stada testamoni la nestra comunitât, che tal prin dopovuera à acòlzût tra la sò ìnt un zovin di zòc calabrês, una complanzûda figura a la qual Romans gi dêf siguramentri tant: Pasquale Maria Calabrò, che par un quart di secul l'è stat il miedi dal paîs.

Nassût il 10 di maj dal 1911 a Camitello di Villa San Giovanni, in provinzia di Reggio Calabria, il nestri Calabrò l'è capitât tra di no tal 1949 a ciavâl dal famôs "mosquito", al à cjatât bon stâ ta locanda "alla Posta", dulà ch al veva fissât al sò recapit.

Prima, in vièstis di miedi militâr, al veva mitût ta sò funziòn una granda umanità, in timp da seconda vuera mondiâl, curant i ferîz das dos opuestis faziòns: la sera vigniva jevât dai partigiàn talians e partât fin tal cunfin Jugoslâf, dulà che lis trùpis di Tito lu bendàvin e lu traspuartàvin ta lôr tiara par curâ i ferîz. Par tal sò opera, a la fin da vuera Calabrò l'à rizevût dal guviar jugoslâf un diploma di benefatôr e una medaja, e al so funerâl (l'è muàrt il 9 di zuin dal 1975) l'à partecipât il Consùl jugoslâf a Triest acompagnât di un "pichèt d'onôr".

Una ricognossinza che la ìnt dilà dal cunfin gi à mostrati fin a un pâr di àins fâ, rindint ogni an onôr, al prin di novèmbar, a la sò tomba, dulà che 'a vigniva depunuda una corona di orâr, par ricuardâ e ringraziâ il generôs miedi e ancjamò plui l'omp virtuôs.

E. Calligaris